

समे .1815

<><><><><><>

## Headlines

1. प्रधानमंत्री नरेन्द्र मोदी होरें अज्ज रोजगार मेले च 51 ज्हार कोला मते नोजवानें गी नियुक्ति पत्र बंडे ते आखेआ जे विकसित भारत दे निर्माण लेई सरकार नोजवानें दे सशक्तिकरण लेई दृढ़ संकल्प ऐ।
2. केन्द्री बंज बपार राज्य मंत्री जितिन प्रसाद होरें जम्मू च युवा रोजगार गी बढ़ावा देने लेई बपार कारोबार ते स्टार्टअप्स दी समीक्षा कीती।
3. उपराज्यपाल मनोज सिन्हा होरें आखेआ ऐ जे जम्मू कश्मीर सशक्तिकरण ते खुशहाली दी नमीं सेवा दिक्खारदा ऐ ते डर ते गेगसाही आली सोच हुन खत्म होआरदी ऐ।
4. जनजातीय मामले दे मंत्री जावेद अहमद राणा होरें समूलचे जम्मू कश्मीर च गुज्जर बक्करवाल होस्टलें च बेहतर सुविधा उपलब्ध कराइयै उंदा दर्जा बधाने पर जोर दित्ता ऐ।
5. मुख्य सचिव अटल डुल्लू होरें केन्द्र शासत प्रदेश च पिछड़े दे ते बेगौरे तबकें दी भलाई बेह्तरी सरबंधत स्कीमें दी अमलावरी दी समीक्षा कीती।

<><><><><><>

प्रधानमंत्री नरेन्द्र मोदी होरें अज्ज जोर देइयै आखेआ जे रोजगार मेला नोजवानें गी सशक्त बनाने ते उनेंगी विकसित भारत दे निर्माण च इक जरिया बनाने दी सरकार दी वचनबद्धता गी दर्शादा ऐ। उनें आखेआ जे दुनिया समझदी ऐ जे भारत च दो असीम शक्तियां न-लोकतंत्र ते जनसंख्यिकी। प्रधानमंत्री होरें बक्ख-बक्ख सरकारी मैह्कमे च वीडियो कांफ्रेंसिंग दे राएं नमें भर्थी मेदवारें गी 51 ज्हार कोला मते नियुक्ति पत्र बंडने दे परैत अपने संबोधन दे दरान एह गल्ल आक्खी। प्रधानमंत्री होरें आखेआ जे सरकार दी रोजगार मेले दी पैहल दे राएं लक्खें नोजवानें पैहले गै स्थाई सरकारी नौकरियां हासल करी लैतियां न ते हुन राष्ट्र निर्माण च योगदान देआ दे न। उनें आखेआ

<><><><><><>

16मां रोजगार मेला जम्मू कश्मीर सनें पूरे देश च 47एं थाहरें पर आयोजित कीता गेआ। जम्मू च उत्तर रेलवे दे जम्मू डिवीजन आस्सेआ आयोजित कन्वेंशन सेंटर च रोजगार मेला होआ, जित्थें नमें नियुक्त 237 नोजवानें गी रेलवे, डाक सेवा, सीमा सुरक्षा बल यानि बीएसएफ ते सेहत सपें केन्द्र सरकार दे बक्ख-बक्ख मैह्कमे आस्तै

नियुक्ति पत्र हासल होए। केन्द्र राज्य मंत्री जितिन प्रसाद ते सांसद जुगल किशोर शर्मा कार्यक्रम च मजूद हे। इस मौके पर बोलदे होई राज्य मंत्री होरें आखेआ

<><><><><><>

केन्द्री बपार ते बंज मंत्री जितिन प्रसाद होरें जम्मू दे अपने दौरे दरान जम्मू कश्मीर च विदेशी बपार गतिविधिएं दे बक्ख—बक्ख पैहलुएं दा जायजा लैता। इस मौके पर उनें बशेष रूपै कन्नै निर्यात गी बढ़ावा देने पर ध्यान केन्द्रित कीता। प्रसाद होरें संसाद जुगल किशोर शर्मा कन्ने मिलियै आई.टी. मैह्कमे दे कम्मकाजें बारे बी जायजा लैता। बैठक दरान जितिन प्रसाद होरें नोजवानें आस्तै माली प्रोत्साहने दी पंछान करने दी गल्ल बी कीती ते आखेआ जे एहदा मकसद अपना कारोबार शुरू करने दी इच्छेआ रखने आलें दी मदद करना ऐ। मगरा मीडिया गी संबोधत करदे होई केन्द्री मंत्री होरें आखेआ जे रोजगार दे मौके बधाने ते विनिर्माण गी बढ़ावा देने आस्तै लगातार जतन कीते जा'रदे न। उनें अगगे आखेआ

<><><><><><>

उपराज्यपाल मनोज सिन्हा होरें आखेआ जे जम्मू कश्मीर च शिक्षा, महिला सशक्तिकरण ते अर्थबवस्था दे खेत्तरे च महत्वपूर्ण बदलाव होआ दा ऐ। कश्मीर खित्ते दे बालापुर शोपियां च आर्मी गुडविल स्कूल दे अपने दौरे दे दरान, उपराज्यपाल होरें मानसिकता बदलने ते झूड़ी कहानियें कन्ने गल्ल नजरिया पेश करने दी कोशशें गी नकारने दे महत्व पर जोर दित्ता। इस मौके पर उनें गुणवत्ता आली शिक्षा ते मेद दा केन्द्र बनने आस्तै आर्मी गुडविल स्कूल दी तरीफ कीती। उपराज्यपाल होरें राष्ट्री आजीविका मिशन, उम्मीद ते तेजस्विनी जनेही पैहलें दे राएं महिलाएं दी अगुवाई आले स्वयं सहायता समूहें दी बधदी भागीदारी गी बी सराह्या। उनें आखेआ जे महिला हुन रोजगार देने आलियें दे रूपै च उभरा करदियां न। बागवानी, सिलाई ते राई—बाई बपार जनेह् खेत्तरें च उत्कृष्ट प्रदर्शन करा'रदियां न। कार्यक्रम च बोलदे होई उपराज्यपाल होरें अगगे आखेआ

<><><><><><>

## Rana Hostels

जनजातीय मामले दे मंत्री जावेद अहमद राणाहोरें अज्ज गुज्जर बक्करवाल होस्टलें गी आधुनिक सुविधाएं कन्नै लैस करियै उंदा दर्जा बधाने दी जरूरते पर जोर दित्ता। तां जे उत्थें पढ़ने ते रौहने आले बच्चें गी पढ़ाई दे कन्नो कन्नी अपने व्यक्तित्व पर बी बेहतर तरीके नै विकास करी सकन। एह गल्ल मंत्री होरे अज्ज बेमिना ते तुलसी बाग आले गुज्जर बक्करवाल होस्टलें दे दौरे दरान आक्खी। जित्थें उनें विद्यार्थियें कन्नै गल्लबात कीती ते उनेंगी उपलब्ध सेवाएं सुविधाएं दे बारे च पुच्छेआ पछाया। उनें बच्चें गी जकीन दोआया जे होस्टलें च उंदे रैहन सैहन दे स्तरै गी बेहतर बनाने लेई सब्बै जतन जारी न ते जित्थें कुदरै बी जेकर कोई कमी पेशी ऐ उसी तौले दूर कीता जाग।

<><><><><><>

## CS-Welfare

मुख्य सचिव अटल डुल्लू होरें समूलचे जम्मू कश्मीर च पिच्छड़े ते बेगोरे तब्बकें दी भलाई—बेहतरी लेई शुरू कीती गेदिएं स्कीमें दी अमलावरी दा जायजा लैने लेई इक बैठक दी अध्यक्षता कीती। उनें सब्बने आंगनवाड़ी केन्द्रें गी जरूरी सुविधाएं जियां बिजली, पीने आला साफ पानी, शौचालय, बगैरा कन्नै लैस करियै उंदा दर्जा बधाने दी जरूरते पर जोर दित्ता। उनें आखेआ जे कोश्टां इयै होनी लोड़चदी जे एह केन्द्र सरकार दी मिलकियत आली इमारतें च होन। अटल डुल्लू होरें बच्चें, किशोर उमरी दिएं बच्चिएं ते दुध पलेयाने आलिएं मौहरिं दी खुराक पर विशेष ध्यान देने पर जोर दित्ता। मुख्य सचिव होरें जमीनी सतह पर केहू कम्म होआ'रदे न ते केहड़ी—केहड़ी सुविधा उपलब्ध न एह जानने लेई फील्ड विजिट यानि मौके पर जाइयै जायजा लेंदे रौहने लेई आखेआ। उनें बजुर्गे, यतीम बच्चे ते बेस्हारा महिलाएं लेई विशेष तौरा पर रखने दी बवस्था आले केन्द्र कायम करने पर बी जोर दित्ता।

<><><><><><>

जम्मू कश्मीर पुलस दे डोडा किशतवाड़ रामबन रेंज दे डी.आई.जी श्रीधर पाटिल हुंदे मार्गदर्शन हेठ रामबन जिले च कुड़िं दे सरकारी हाई स्कूल बटोत च “भरोसा” जागरूकता कार्यक्रम दा सरिस्ता कीता गेआ। इस विशेष कार्यक्रम दरान बच्चिं गी घरेलू हिंसा, साइबर अपराधें ते महिलाएं दे कनूनी अधिकारें दे बारे च जागरूक कीता गेआ। इस मौके बच्चिं गी आखेआ गेआ ऐ जे जेकर उंदे कन्नै कदें बी कुसै चाल्ली दा कोई माड़ा बरताव, छेड़छाड़, फरको फरकी बगैरा होंदी ऐ तां चुपचाप सैहन करने दे बजाए ओहदे खलाफ पूरी तगड़ेयाई कन्नै अवाज पुट्टन ते उनेंगी पक्क गै कनूनी मदद थहोग। “भरोसा” जागरूकता कार्यक्रम दा मकसद कुड़िं गी अपने अधिकारें बारे जागरूक बनाइयै उंदी सुरक्षा ते सशक्तिकरण जकीनी बनाना ऐ। इस बारे गल्ल करदे होई डीआईजी श्रीधर पाटिल होरें आखेआ

<><><><><><>

पुंछ जिले च औंदी श्री बुड्डा अमरनाथ जी दी सलाना यात्रा लेई तैआरियां जोर शोरें कन्नै जारी न। दशनामी अखाड़े समेत सबधंत सब्बे धड़ें यात्रा गी पूरी चाल्ली रमानदारी ते बवस्था आले ढंगै सिंर तोड़ चाढ़ना जकीनी बनाने लेई कम्मं पर लग्गे दे न। अखाड़े आस्सेआ इस सिलसिले च यात्रा दरान साफ सफाई, शौचालय, पानी, टैंटें दी बवस्था, लंगर, बिजली पानी दी निर्बिघन सप्लाई, यात्रिं दे ठैहरने दी बवस्था, गड्डियां खडेरने लेई पार्किंग बगैरा दी निरीक्षण कीता गेआ। आकाशवाणी समाचार कन्नै गल्ल करदे होई दशनामी अखाड़े दे महेन्त स्वामी विश्वात्मा नंद सरस्वती जी महाराज होरें आखेआ

<><><><><><>

जम्मू कश्मीर च क्रिकेट एसोसिएशन फॉर द ब्लांड आस्सेआ जिला प्रशासन डोडा कन्नै रलियै महिलाएं दी दऊं दिनें दा क्रिकेट प्रतियोगिता कल भद्रवाह दे सरकारी डिग्री कालेज च आयोजित कीता गेआ। इस कार्यक्रम दा उद्घाटन एडीसी भद्रवाह सुनील बेटिया लते भद्रवाह विकास प्राधिकरण दे सीईओ देविंदर सिंह जसरोटिया होरें कीता। इस प्रतियोगिता च समूलचे प्रदेश थमां राष्ट्रीय ते अंतर्राष्ट्रीय स्तर दे खडारी हिससा लै करदे न। एडीसी होरें इस गल्लै पर जोर पाया जे इस प्रतियोगिता दा मकसद नेत्रहीन व्यक्तिएं गी आत्मविश्वास कन्नै खेड्डें गी करियर दे तौरा पर। अपनाने ते अगगे बघने लेई प्रकरत करना ऐ। इस मौके पर बोलदे होई उनें आखेआ

<><><><><><>



